

# 卷十七

書名 小倉山房詩集三十六卷 咸豐元年序  
 番禺謝氏梅花詩屋刊本  
 撰者 清 袁枚 撰，清 謝有仁 注  
 卷 卷十七  
 內容分類 集-別集-清中葉前期  
 索書號 夕嵐草堂.S4103  
 編號 90434

彩色首頁1

東洋文化研究所漢籍目錄 編號: 90434

東洋文化研究所漢籍目錄所藏漢籍善本全文影像資料庫 索書號: 夕嵐草堂.S4103

漢籍善本全文影像資料庫文本小倉山房詩集三十六卷 咸豐元年序番禺謝氏梅花詩屋刊本

版權所有: 東京大學 東洋文化研究所

使用上的注意事項

小倉山房詩集卷一 丙辰丁巳

番禺謝有仁靜山註

男鴻恩堯階校字



錢唐江懷古

江上錢王舊蹟多我來重唱百年歌勸王妙選三千弩  
不射江湖射汴河

錢王

蘇軾游靈隱寺得來詩復用前韻詩君不見錢塘湖錢王壯觀今已無

百年歌

樂府詩集陸機百年歌十首五代史唐莊宗紀初  
 克用置酒三垂岡伶人奏百年歌時存勗在側方  
 五歲克用慨然將其鬚指而笑曰吾行老矣此奇  
 兒也後二十年其能代我戰於此乎及天祐五年  
 攻梁夾寨伏三千弩蘇軾八月十五日看潮五絕  
 兵於此破之三千弩詩安得夫差水犀手三千強  
 弩射潮低案吳越備史梁開平四年八月錢武肅  
 始作捍海塘王因江濤衝激命強弩五百以射潮  
 頭既而潮汴河在開封府滎陽縣達  
 遂趨西陵汴河府城西至中牟界  
 附錄隨園詩話或嘗

小倉山房詩集卷一

梅花詩屋



小倉山房詩集卷十七 壬午癸未

番禺謝有仁靜山註 男鴻恩堯階校

元日

將老戀韶光當春重元日晨興整冠裳焚香坐密室黃  
梅香尚幽白雪清未畢念此良辰晴敷天齊道吉觸景  
如逢新懷舊若有失逝者幾何年公然四十七久辭待  
漏霜空對書雲筆履端人未來筮日吾始出珍重此寸  
陰不覺搖兩膝吟成今年詩開卷此其一

履端 左傳先王之正時也履端於始

題王少林北征集

江左烏衣客河梁白馬行採花金谷樹聽雨洛陽城古

蹟歸遊子中州得正聲遙知年少目不讓賈生名

年少二句 蘇軾賈誼論賈生洛陽之少年欲使其一朝之間盡棄其舊而謀其新亦已難矣

愛汝新詩好傷予舊雨寒阿戎如此秀大阮不同看風

斷山陽笛花開謝氏蘭憐才兼憶昔掩卷淚闌干 傷孟亭先

闌干 正韻闌干淚流貌談薺王元景使梁劉孝綽送別泣下元景無淚謝曰別後當闌干白居易

易詩玉容寂莫淚闌干

棟在席中上贈樹齋雨林兩公子

與君未見已相思况復雙攀玉樹枝外戚 恩榮同扈

駕建安兄弟各能詩西園水暖班荆早東郭燈紅散酒

遲難得雲龍徵逐處江南三月落花時

建安 漢獻帝年號宋書謝靈運傳至於建安曹氏基命三祖陳王咸蓄盛藻甫乃以情緯文以

質文被

吳歌宛轉管絃聞綺席同陪棟使君白羽扇涼詞客寫

紫羅囊好雪兒分偶來天上春將去並坐花間鳥戀羣

我欲吹簫招子晉遠陪雙鳳入青雲

白羽扇

全唐詩話張九齡在相位極言得失李林甫方同列屢陳九齡頗懷誹謗于時方秋帝命高力士持白羽扇以賜將寄意焉九齡因作賦以獻

紫羅囊

見卷十五日

紀事雪兒 北夢鎖言雪兒者李密之歌姬也

題樹齋贈別胡郎詩後

聽唱驪歌別阿儂搖鞭無奈管絃終桃花昨夜相思淚



背着春山獨自紅

花滿春堤月滿鞍紅兒相送小長干老夫萬種風懷淡

只覺人間別最難

紅兒

撫言鄜州籍中有紅兒善為音聲羅虬為作絕句百首號比紅兒詩小長干嚴

詩別墅小長干案吳都賦注建業南五里有山岡其間平地吏民雜居東長干中有大長干小長干皆相連大長干在越城東小長干在越城西地有長短故號大小長干

魚門極愛萬柘坡遺集余讀之中有與袁子才聽

雨之作愴然感舊為題一詩

偶翻亡友樂于集中有同吟我姓名二十年前春雨夜  
九重天外化人城雲璈品逸宮商冷鸚鵡才高福分清  
難得心香最供奉未曾傾蓋一程生

化人城

范成大詩箕箒仙子洞齒蒼化人城

贈陸鮑兩秀才

人間竟有雙珠樹天瑞真同五色雲惆悵貞元老朝士  
風懷振觸少年羣

貞元朝士

劉禹錫聽舊宮人穆氏唱歌詩休唱貞元供奉曲當時朝士已無多

名士翩翩半渡江清才若个最心降侍中風貌南朝重  
何偃長明是一雙

題陳梅岑詩卷

元郎秋夕清都夜都是吟成十六時似爾一編清似雪  
論年還更小微之元稹字微之有清都夜境詩

試罷籀書九千字更聞成誦十三經對君不敢低頭看



恐是瑤光第六星

九千字

見卷十五諸知已詩第一首注

瑤光

星經北斗七星其七日瑤光

寄樹齋雨林

恨事如流水都來三月中人間送公子天上別春風班馬數聲響落花滿地紅所思人不見燈影小樓空

班馬

班別也左傳襄十八年有班馬之別又李白送友人詩蕭蕭班馬鳴

擁髻吳兒舞題襟楚客狂方當懽笑處已是別離場扈蹕程應緩懷人夢可忙知君射飛鳥不忍向南望後會寧無日前期未可知心如一輪月光照兩瓊枝羽便宜通札官間好寄詩年年東海水流不盡相思

與師健中丞相見

宮門別後却寄

投簪久不到丹墀為訪臯夔立片時握手教同中貴坐

低聲私咏見懷詩老臣身健龍顏喜元首恩深雀弁

知

公新賜孔雀翎

未敢掃門非我懶

眷隆多半下朝遲

雀弁

書經二人雀弁執惠立于畢門之內

酒友歌

與程荆南同遊惠山飲惠泉酒大醉荆南作泉

酒行笑余余作酒友歌轉笑荆南

隨園先生枉生口能食能言不能酒獨醒人間四十年

天降酒星為酒友酒友酒友程荆南酒車騰酌日再三

糟漿之氣衝鼻起百步之外人先酣與余同下蘇州道

一月忘修杜康廟望見前村賣酒旗口雖不語心先笑

惠山泉碧酒材良賜汝一壺恩渴羗君言主人不先客  
 不舉強余嗑嗑醮半觴頃刻玉山頽不任頭若崩雲眼  
 墜霧無福能交顧建康有心欲殺孫王簿還君漉酒巾  
 封君酒藏吏君量大如取兗州我量小如守欵器豈徒  
 割席拒華歆將縛衣冠射蔣濟

渴羗

拾遺記羗人姚馥好啜濁糟常言渴于醇酒羗輩常弄狎之呼為渴羗晉武擢為朝歌邑

宰日

朝歌地有美酒顧建康南史顧憲之傳為建

故使

老羗不復呼渴謂其清且美焉王安石酌徐仲元詩相看不厭如

政甚

得人故都下飲酒者醇旨輒號為顧建康

謂其

清且美焉王安石酌徐仲元詩相看不厭如

夫子

風味真如顧建康

如顧

建康

吏

晉書戴渾傳年十二遇病死五日而蘇說死時

崑崙

積石太室恆廬

衡等

諸山既而遣歸

敲器

韓詩外傳孔子觀於周廟有欵器焉孔子問曰

晴太溫和雨太涼江南春事費商量楊花不倚東風勢

怎好漫天獨自狂

漫天


韓愈詩楊花榆莢無才思祇解漫天作雪飛

題蔣申吉蘇州竹枝詞

百首新詩紀土風風光寫盡一年中分明小坐橫塘雨

吳語零星聽阿戎

廿載通家話最長白頭相見感滄桑能言慶厯昇平事





端賴屯田墨數行

慶歷二句

宋柳永字耆卿官屯田員外郎世稱為柳屯田少工詞曲范鎮曰仁宗四十年

太平鎮在詞林許久不能出一語咏其盛乃于柳耆卿見之案慶歷乃宋仁宗年號

楓橋有懷

枕上釵痕暈未消水邊蘭漿送歸潮雪花點盡楓橋路

中有情人憶昨宵

昨宵霜重錦衾寒左臂隨郎枕未安時與阿侯爭阿母

沒分身處教卿難

阿侯

梁武帝河中之水歌河中之水向東流洛陽

陌頭十五嫁為盧家婦十六生兒字阿侯

五月五日竹嶼山房卽事

五月五日橫塘槎欲泊不泊詩人家詩人愛客不見容

尋客似尋菖蒲花一行名紙來相請主人先在歌場等

迎得開元鶴髮翁紅兒都把花冠整就中飛燕尤輕盈

與余相識如有情調笙舊按鷓絃譜橫笛新翻水調聲

滿堂詞客齊招手清臚所矚君知否留得當場壓隊花

那愁似海東家酒親挽嚴粧坐綺筵冠纓欲挂倍纏綿

詩鏡重開鋪錦地春心欲鬪水嬉天曲終送客高樓宿

樓上垂楊晚烟綠竹響才消歌吹音夢回還照金花燭

明朝搖櫂泛餘杭曳雪牽雲別陸郎調璞彈指人生能

有幾客中如此作端陽

菖蒲花

梁書太祖后張氏嘗于空中忽見座前菖蒲生花光彩照灼非世所有后驚異之謂

梅花詩屋

侍者曰汝見否皆曰不見后曰嘗聞見葛蒲花當貴因取吞之生高祖鶴髮翁李洞  
宮詞繡嶺官前鶴髮翁猶唱開元太平曲金花燭見卷十五隨曳雪句  
李賀洛妹真珠詩玉喉碎窸  
排空光牽雲曳雪留陸郎

舟近錢塘望西湖山色因感舊遊

久客還鄉夜不眠望鄉長自立帆前一痕山送西湖色  
 萬種情深故國天舊宅蕭條傷往事此身生長記華年  
 遙青已接還遮住可是蘇堤幾點烟

遙青孟郊詩置亭嶺頭開窓納遙青遙青新畫出二十六扇屏

隴上作

掃墓先為別墓愁此來又隔幾經秋每思故國期還趙  
 忍向重泉說報劉華表風前烏繞樹紙灰烟裏客回頭

懷中襁抱今斑白地下相看也淚流

掃墓宋史唐恪傳以延康殿學士知潭州報劉密請往錢塘掃墓然後之官遂改杭州  
陳情表是臣盡節於陛下之日長報劉之日短也

冷泉亭遲荆南不至題石上而歸

飛鳥暮歸山色裏懷人心斷水聲中君如來取春泉飲  
 定有相思味不同

孤山范公祠是少時肄業之所重過有作

舊遊真个似前生水榭風廊到眼驚滿樹黃鸝應識我  
 當年聽過讀書聲

曾擒蟋蟀傍西牆曾捉楊花過野塘今日教儂理前事  
 不知何故沒心腸



物換星移三十秋輕塵短夢水西流道人不是無尋處  
山上萋萋土一邱

物換星換

王勃滕王閣序詩  
物換星移幾度秋

斜陽不改舊山門堤柳依然對酒尊只有西湖比前冷  
照人頭髮作霜痕

韜光寺

左旋竹色繞右折竹徑昏萬竹綠成海一峰青當門我  
來逢日暮石磴滋苔紋微覺暗泉響不見銀河奔誰知  
鳴竹腹百道相糾紛九天落珠璣僧廚瓦上聞小憇金  
蓮池寒玉浮氤氳湖光窮目力海影搖窗痕誓畢向平  
願來陪金仙羣同持碧鸞尾日掃青天雲

向平願

見卷十五  
首篇詩註

湖心亭登臺望月同程錢兩秀才作

湖心更深春月朗一亭如雲飄水上水精宮有三人來  
同踏空濛神恂恍絞綃萬重烟畏樹竹笛一聲漁動槳  
亭旁露臺高百尺雕欄上接廣寒宮登臺欲捧爛銀盤  
白榆歷歷指諸掌月如開戶光無邊星豈叛天去成黨  
九州地缺琉璃補半夜潮生篷櫂響疑乘紙鳶身欲飛  
怕觸銀河頭不仰此時高唱昇天行衣裳飄飄作雲想  
但見萬川印爲一那信人天還有兩仙乎仙乎如相招  
風車一下吾其往

水晶宮

述異記闔閩水晶宮備極珍巧皆出水府  
又吳興趙孟頫自號水晶宮道人以湖州

四面皆水也有戲之者以瑪瑙寺行者為對昇天行樂府解題昇天行與神遊五遊龍欲昇天等篇皆傷俗情險艱當求神仙翱翔六合之外

龍井

龍厭西湖喧別選藏珠宅澄泓一井泉搖漾半天碧葉  
墮鳥銜去魚行人不隔時方迎 六龍崖磴加開闢穿  
竇濬靈源爬沙出奇石瀑布九天來散作千處白噴珠  
隕雜花洒面亂飛雪傾耳聲洋洋琮琤碎環壁臺高石  
柱寒松古蒼烟積試茗人忘歸水明天不夕

隕雜花

杜甫龍門閣詩  
目眩隕雜花

飛來峰

奇山虛空飛落地偶然借愛此西湖佳不歸成久假我

來入洞行低頭甘出胯濯濯蓮花垂隱隱哀湍瀉魔降  
獅吼伏甲蛻龍戰罷陰崖飛蝙蝠丹梯聳雲架疑是夸  
娥移左股痕未化又疑巨靈擘仙掌分太華容卿數百  
人空洞殊可訝毛髮漸浙灑方午已疑夜萬古不見日  
四時甯有夏隙小初漏天雲生又補罅前穴風雨聲再  
探心已怕

左股

蘇軾詩何人守蓬萊夜半失左股

容卿二句

世說王導指周顛腹曰卿此中

何所有答曰此中空洞無物但足容卿輩數百人蘇軾詩莫指癡腹笑空洞

玉泉觀魚

玉泉何澄清銀河移在地戢戢萬魚頭空行渺無際紅  
鱗金陸離白小影搖曳窺客若有情銜花儼相戲池間



荇藻長風定水烟細可惜夕陽沈鐘聲雲外至春山生  
睡容遊客有歸意回首波聲微淡月僧門閉

白小

杜甫詩白小羣分命天然二寸魚


岳武穆墓

岳王墳上鳥聲悲半是黃鸝半子規鐵像至今長跪月  
金牌當日早班師清宮客少王思禮前進兵輸來護兒  
公本純臣無底恨可憐慈聖茹齋時

王思禮

唐書王思禮傳長安平思禮先入清宮收東京戰數有功遷兵部尚書封霍國公上

元元年加司空薨贈太尉諡曰武烈來護兒表請降帝許之詔護兒旋師護兒不肯奉長史崔君肅固爭告諸將勸還方始奉詔歸至臨平因問何不見大小眼將軍耶人曰岳飛死獄矣遂怒帝欲出家故終身在官中道服也案



慈聖乃曹太后廟號又孟太后本號隆祐皇后後改諡昭慈聖獻后均與此無涉因卷二十六謁岳王墓詩亦用此事故知其誤也

阿奴

阿奴碌碌竟何之如此江山兩鬢絲過去雄心消易盡  
送來老字例難辭尊前春到花能覺身後名傳鬼不知  
寄語人間行樂者信陵公子是吾師

碌碌

晉書周顛母李氏傳生顛及嵩謨並列顯位嘗冬至置酒舉觴賜三子曰吾本度江託足

無所不謂爾等並列吾目前吾復何憂嵩起曰恐不如尊旨伯仁志大而才短名重而識闇好乘人之弊此非自全之道嵩性抗直亦不容於世唯阿奴碌碌當在阿母目下耳阿奴謨小字也後果如其言信陵公子二句以毀廢乃謝病不朝與賓客為長夜飲飲醉酒多近婦女日夜為樂飲者四歲竟病酒卒

九月十九夜

漏轉三更萬籟空  
霜華滿地樹搖風  
老鴟窺戶乾笑去  
中有一燈坐一翁

乾笑

南史范泰傳子尉宗至市乾笑云罪至而已

望山公嫌枚踪跡太疎賦詩言志

不是師門意  
嬾行尚書應  
諒草茅情  
聽來官鼓心  
終怯換到朝靴足  
便驚老眼書  
銜愁小字詩  
人得寵怕虛名  
間時每看青天月  
長恐孤雲累太清

太清句

世說會稽王道士齋中夜坐於時天月明淨都無纖翳歎以為佳謝景重日意謂不

如微雲點綴王戲謝曰卿居心不渾乃強欲滓穢太清耶

向平婚嫁事匆匆  
今歲光陰道路中  
一字不會忘訓誨

終年只當坐春風  
月臨秋水增顏色  
松抱青山托始終  
若戀荒莊栽小草  
頻來敢負蠟花紅

向平句

見卷十五首篇注

荒莊

見卷十六除夕望山尚書賜荷囊第三首注

送潘字情宰贛榆

潘郎頭白賦彈冠  
珂馬蕭蕭臘月寒  
捧檄莫嫌行路遠  
栽桑好作種花看  
郡分東海風烟古  
地過黃河氣象寬  
此去陰平吾舊治  
遺民可有問袁安

捧檄

用毛義事栽桑用張詠拔茶植桑事

錢東麓少司農典試江南  
其尊人香樹尚書來看

榜發

令子衡文地尚書  
弭節臨雲山懷舊  
歷桃李認新陰代



小倉山房詩話卷十一  
畢趨庭事兼催赴闕心 聖明如有問老健是 恩深

桃李新陰

楊汝士詩文章舊價留  
鸞掖桃李新陰在鯉庭

國瑞兼家慶如公古所難龍門高膝下鳩杖重朝端秩  
饒官支俸天書 帝問安門生都隔代羅列當孫看

聞香亭舉京兆

喜鵲清晨噪屋端驚聞捷報自長安姓名豈有傳抄誤  
科第從來後起難 先闕題名紙樹字  
上誤多一心字 玉樹新陰秋爛漫  
花磚舊影日高寒阿兄宮錦多年忘今夕開箱帶笑看  
銀袍鵠立曉風清定有人呼小宋名遲我十科成後輩  
多君一戰振家聲花開荆樹遙分氣雁到青雲不讓行  
只恐烟蘿騰冷笑叔疑子弟又爲卿

鵠立

蘇軾詩門外  
白袍如立鵠

小宋

筆談宋郊與弟祁同行逢  
一異僧相曰小宋當魁天

下大宋亦  
不失科甲

送魚門舍人入都

省郎簪筆侍彤闈綵鷁乘風向北飛深喜故人從此貴  
恰憐知己目今稀長卿家破官才得翁子才高願豈違  
忍住頭顱未成雪 聖朝時際莫言歸

翁子

漢朱買  
臣字

雲龍踪跡記前因海內論交子最親山館夜涼分聽雨  
水窗花落共傷春聯床尚作同遊夢上馬頻驚欲去身  
此後蕭齋風月冷再懸陳榻恐無人

陳榻

後漢書陳蕃爲豫章太守不接賓  
客惟徐穉來特設一榻去卽懸之

幽燕此去路迢遙往日鴻泥跡未消判事莫談溫室樹

遷官穩戴侍中貂十行漢詔揮新墨一卷唐詩補早朝

想見上林烟柳外季良長鬣影飄蕭舍人多髯

溫室樹漢書孔光傳光周密謹慎或問溫室省中樹光默然不應侍中貂杜甫詩總

戎皆插侍中貂

中年容易動深情況唱驪歌與客聽折柳路從江上盡

斷腸人對暮天青霜鴻羽健秋千里桐樹心孤月一庭

妻子不知緣底事臉邊來問淚星星

題蘇州太守孔南溪壁上

白下閒雲吳下過偶來燕寢脫烟蓑十科進士同年少

三守名邦異政多明月上牕花送影涼風穿樹酒生波

好將魯國狐裘誦付與金閭士女歌

狐裘左傳臧紇侵邾敗于狐駘國人誦之曰臧之語孔子始用于魯魯人誦之曰麇裘而鞞投之無

戾鞞之麇裘投之無郵及三月政成化行又誦之曰裘衣章甫實獲我所章甫裘衣惠我無私云云但前章仍謗之之詞後章乃頌之詞姑錄之俟考

舟中作三韻詩四首

昨日逆風打頭船舟人背纜如背牛今日順風送船尾

布帆一日行千里昨日非拙今非賢艙中有人笑向天

良馬晝行夜不行櫂聲日夜無留停居家避客門常閉

舟中開門客不至人生三萬六千場惟有舟中日最長

前年尋春春不得枉在蘇州嚼冰雪今年尋春春更杳

美人如雲隔仙島造化小兒笑未終除却此事難惱公



造化小兒

撫言杜審言疾困日為造化小兒所苦

東家鷓鴣鳴可怪欲殺無刀心不快西家狐狸蹲上屋  
欲射無弓心不樂老僧枯坐發愁嘆不見容易不聞難

哭座主留松喬少宰

十年前別淚先彈原恐衰年再見難幾度信來傳老病  
恰欣人到說平安今朝絳帳真零落他日黃壚更渺漫  
白髮彭宣想廬墓元堂當作後堂看

彭宣二句

見卷十五正月二十二日紀事詩注

哭徐芷亭方伯

萬里黔關二品身一行遺表泣孤臣老懷怕數同年客  
天意先亡古道人花下馬蹄留舊迹水邊楊柳換新春

相思曾有詩千字不及傳箋倍愴神

癸未元日

歲首百事忘天晴萬花喜元日如今年人生能有幾隨  
眾披新衣澄懷觀妙理阿母扶上堂同拜尚有姊妹兒  
各倩粧嬌甚不成禮四隣爆竹聲中且猶未已傳坐同  
過客來者亦數起喜界編年詩怯增坐席齒吾生自有  
涯節序何時止欲作迎春行先從探梅始

唐人元旦飲客號日傳坐

見緯畧

吾生有涯

莊子吾生也有涯而知也無涯一有涯隨無涯殆也

新正四日望山尚書召飲四鼓方歸次日將此夕

言論賦詩呈覽

正月四日春風新尚書折簡招幽人幽人家在雲深處  
白雲帶入朱門去燕寢凝香靜不譁香梅開遍後堂花  
為憐盧植傳經學特領彭宣拜絳紗侍兒手捲流蘇帳  
夫人出見東廂上身受金閨曠代恩果然玉立天人樣  
天家頒到御廚珍仙鹿黃羊味絕倫一餐得飽先生饌  
餘瀝還霑 聖主春醉步西園待新月飛花爭繞郎君  
筆揮塵人陪幕府談提燈僮報先生出絳蠟燒殘第幾  
條含商嚼徵與方饒文章甘苦深嘗處彼此麻姑癢欲  
搔自言七十明年度江花江草看無數戀闕情深屢乞  
歸報恩身老時愁誤不吹風笛唱新腔只願烟村留雨  
露玉帳牙旗三十年家鄉回首貧如故更將舊事說滄

桑惹落燈前淚數行往日先公辭祭酒曾從藩底識

先皇陽城起復恩何速陸贄登科眷更長半世閒身加  
鼎鼎五年詞館卽封疆重重獎許 君王詔皋夔爾日  
猶年少今夕聽來感不禁當年身受如何報夜深官鼓  
響瑟瑟潞國精神少倦容廣長妙舌天河水一樣瀾翻  
聽未終山人還山夜四更梅花紙帳一燈明怕成陳迹  
將詩寫尙有餘波記不清

盧植句

後漢書盧植字子幹涿郡涿人也少與鄭元俱事馬融能通古今學好研精而不守

章彭宣

見卷十五正月二日紀事詩注 含商嚼徵 張榘詞嚼徵

玉填簾

杜牧詩杜詩韓筆愁來 陽城句 唐

相和 麻姑句 讀似倩麻姑癢處搔 陽城句 唐

陽城傳陝虢觀察使李泌薦諸朝詔以其家城封還 召拜賜緋魚使參軍事韓傑奉詔至其家城封還



詔自稱多病老憊不堪奔奉惟哀憐泌不敢疆及  
為宰相又言之德宗于是召拜右諫議大夫遣長  
安尉楊甯賚束帛詣其家城褐衣到闕下辭陸贄  
讓帝遣中人持緋衣衣之召見賜帛五十匹  
唐書陸贄傳贄十八路國宋史文彥博  
句第進士中博學宏詞潞國封潞國公廣長舌  
蘇軾贈東林長老詩溪聲便是廣長舌法  
華經世尊見大神力出廣長舌清淨法身

寄答樹齋雨林

香桃飄雪柳拖綿公子題襟又一年惆悵春泥没人掃  
馬蹄留迹在門前

花箋爭寄水雲遙白雪清商韻共飄想見通侯門第靜  
一家天上奏簫韶

怪我遲遲答報章半年聽雨宿橫塘君看天外孤雲影  
料是幽閒轉是忙

惜別吳兒淚滿衣至今江柳尚依依知情只有司花鳥  
銜着櫻桃向北飛

嫁女詞四首

春花多辭樹嫁女多辭家明知理當然不謂事遽加我  
有阿成女容顏如朝霞嬌語聽連璫傳經倚絳紗幼態  
宛如昨般送忽登車平章合歡鈴辦治宜男花有珠懼  
勿明有服嫌勿華東具西復缺禮備儀又差姑姆議瑣  
瑣嫵御爭呀呀竭我陪門錢買我離別嗟雖了所生局  
未卜所適佳嫁女與添丁畢竟誰惱爺

連璫

左思詩嬌般送穀梁傳桓三年諸母般申之  
語至連瑣般送日謹慎從爾父母之言註云

般囊也所以盛朝夕所須以備舅姑之用疏云男  
子般革婦人般絲所以承悅巾之屬為謹敬也

妯娌 妯音册老女自稱晉書武十三王傳妯娌尼

俗書妯娌 音孕本脩真玉鏡陪門錢唐書高儉傳

以上納幣不得過三百匹四品五品二百六品七品百悉為歸裝夫氏禁受陪門財

同居人暫離怒焉心已惱况是掌中珠懷中最嬌小我

又無男兒衰髻如蓬葆藉此慰所無起居伴昏曉人視

已長成我視猶襁褓并此復乖分教我如何老夫婿任

姑蘇江天水渺渺田多尸祭忙族大持家早歸甯豈不

歸路遠終知少堂前晝悄悄膝下風悄悄中郎幾卷書

他日付誰好

蓬葆 漢書燕王旦傳孝昭帝賜燕王璽書 中郎句

後漢書陳留董祀妻者同郡蔡邕女也字文姬曹操嘗問曰聞夫人家先多墳籍猶能憶識之否文

東家嫁女兒珠翠傾千箱道路多側目門閭生輝光一

朝失婦德所贈都如忘西家嫁女兒荆苕與布裙奴婢

在富夫憐不在容但聽關雎聲常在春風中澤髮苟不

順何以施鸞篋敷粉苟不和何以光容儀即小可悟大

柔情須自持毋違夫子訓毋貽父母懼

未嫁女如兒已嫁女如客送客出門去主人頭愈白風

寒咏絮窗月冷畫眉筆阿母淚盈盈全家如有失難忘

辟咍時繞案分梨栗辜負嬉遊天下九及初七勲名既

無成骨肉復蕭瑟嘉耦自然雙此累幸而一巍巍五嶽



山欣然洗雲出催我遊勿遲平生事已畢

辟咄

禮記負劍辟咄詔之注辟咄謂傾頭與語也口旁曰咄

下九句

娜環記九為陽

數古人以二十九日為上九初九日為中九十九日為下九每月十九日置酒為婦女之歡名曰陽會蓋女子陰也待賜以成故女子於是夜為藏鈞諸戲以待月明至有忘寐而達曙者古詩初七及下九嬉戲莫相忘

偶成

春宵好景怕相忘有得頻題墨數行  
花落竟疑鋪錦地鳥啼如入選歌場  
鏡收山色如圖畫書作屏風掩洞房  
莫道主人不知樂夜深猶自繞回廊

早開梅凍傷矣慰之以詩

千樹梅花開一樹忽遇春寒又勒住  
頗似良朋訪我來

自悔孤行復回去憔悴香心合自憐  
從來風氣莫爭先

請看一種調羹者別有東風二月天

寒勒

歐陽脩詩餘寒尚勒花

翻書得花數瓣上寫庚午年收藏  
愴然有作

展卷方知色不空幾行綠字襯殘紅  
十三年上春還在逃出華嚴劫數中

霓裳久已散仙班一片香雲影獨還  
寄語成烟先去者無書原不住人間

月地雲階事渺茫蠹魚也解護紅香  
看渠風雅歸依後洗盡鉛華換墨粧

月地雲階

陸游詩月地雲階暗斷腸

留仙珍重說持裙可奈吟殘手又分改置離騷第三册  
招魂開卷易尋君

留仙裙

飛燕外傳后歌歸風送遠之曲風起后揚裙曰仙乎仙乎去故而就新帝令左右持其裙風止裙為之縳宮人

因孽裙為縳號留仙裙

絕代穠華逝水流啼痕髻影惹春愁傷心玉貌誰長在  
不是人身尚可留

寄師健中丞

去年見明公如坐春風懷今年對春風如見明公來春  
歸公未歸懷抱何由開憶昔在江城知音日與偕花箋  
寄遙夕元理談蕭齋一朝送旌旗羽翼臨風乖宮門立  
須與訪仙到蓬萊行轅偶叅謁一見抵百回而今又經

年春光轉秦淮空教泥憶雲不見月當階流水猶可割

相思誰能裁因風寄遠音翹首看三台

坐春風

伊洛淵源錄朱光庭見程明道於汝州語人日在春風中坐了一月泥憶雲

李賀詩誰知泥憶雲望斷梨花春

花下

花下壺觴月下歌風中鶴筆雨中蓑律嚴自累詩成少  
園好翻嫌客到多古石疊高雲漸起新池開濶水微波  
看儂如此山中住可肯簪纓換薜蘿

簪纓

張說滄湖山寺詩若使巢由知此意不將薜蘿易簪纓

答中丞見寄

一葉瑤華至開函喜不支春來知老健札外有新詩風



調曹劉上襟懷稷契期遙天雲五色紅處是旌旗

瑤華

謝眺答呂法曹詩惠而能好我問以瑤華音

曹劉

文心雕龍揚班之倫曹劉以下

圖狀山川影寫雲物案此謂曹植劉楨也

春日集吟

春宵夢醒月華涼窗外花開窗內香花似有情來作別  
半隨風去半升堂

會向西溪插柳條隔年相訪絮全飄一雙翠鳥清狂甚  
故立風枝自蕩搖

為少栽培瘦牡丹又緣冬冷損幽蘭憐渠畧比羣芳貴  
便累園丁服事難

風雨多時易落英陽鳥如炙可憐生遙知花意同人意  
只乞春陰不乞晴

認取春泥記笋梢自驅黃鳥管櫻桃不會閒着絲綸手  
何必蓬山釣六鰲

六鰲

列子龍伯國之大人一釣而連六鰲

寂寂柴門雀可羅牡丹開後客頻過山花未免從旁笑  
到底人貪富貴多

雀羅

漢書鄭當時傳下邳翟公為廷尉賓客填門及廢門外可設雀羅又蘇軾詩明年我亦開

三徑寂寂兼無雀可羅白居易詩近來門更靜無雀可張羅

每悟生機忝物理鴛鴦無語立幽窗請君數遍閒花草  
若个新芽不是雙

雨後流泉響不禁綠波明處照春心呼僮拔盡池中草

莫使人知水淺深

一枝桃插膽瓶斜未許春歸到別家  
攔路蜜蜂狂太甚公然來采手中花

兒女輪流各賞春酒杯終日對花新高堂  
戒我毋他出阿母明朝作主人

五尺屏風八尺床洞房強半近書房為貪花  
裏香眠早不負燈光負月光

靜坐溪頭學釣翁蜻蜓數遍水光中  
幾條金線忽搖曳楊柳比人先覺風

送婿偕女歸吳門

看騎竹馬忽東床原是通家玉樹行  
江上親迎春二月

山中成禮日三商美如孺子官終貴  
編到韓文望正長慚愧名流稱樂令  
冰清清到女兒箱

三商

儀禮士昏禮注鄭目錄曰日入三商為昏疏云馬氏曰日未出日沒後皆二刻半云三商

者據整數言也正字通商乃漏箭所刻之處古以刻鏤為商所云商金商銀是也刻漏者刻其痕以

驗水也夏竦漏刻銘孺子句漢書陳平傳張負曰五夜持宵三商定夕

者乎案平韓文句韓昌黎集序門人隴西李漢厚字孺子知最厚且親遂收拾遺文目為

昌黎先生集傳於代劉克樂令晉書衛玠妻父樂莊詩李漢編文後必傳

者以為婦翁冰清女婿玉潤

左家嬌女髮垂髻歸妹初占第六爻  
婿行第六吳語乍聽應

未慣秦樓暫住忍長拋閨中失禮憐渠  
小堂上承歡仗

汝教此去橫塘春未艾合昏花正放  
新梢



左家嬌女

左思詩左家有嬌女

四月八日侍望山公西園壽讌作

香烟吹滿石城東聽祝如來又祝公隱者稱觴官散後  
尚書留客月明中階前指樹年同老露下看花色更紅  
天上蟠桃都手種今朝幾朶醉春風

論文每到夜三更賭背唐詩口應聲慣把精神壓年少  
平分福壽與蒼生古稀預卜來春近 恩禮遙看曠代

榮只願佛緣南國久少微永傍歲星明

少微

星名一云處士星孫氏晉陽秋會稽謝敷隱若耶山月犯少微時戴逵名著于敷時人憂之俄而敷死故會稽人士嘲逵曰吳中高士求死不得

虎邱懸一魚頭長三丈詢其被獲情節爲作巨魚

歌

崇明三日雨如注海水如雲飛上樹巨魚騎浪遊人間  
意欲來吞一城去天吳忽退波浪空巨魚欲去無天風  
身橫千畝動不得長鬣倒挂泥沙中海人嗜魚爭割肉  
乘梯登背如登屋萬人已飽魚不知血湧紅潮響坑谷  
尾搖欲把青山掃鼻息衝沙成小島費盡人招海賈文  
腹中葬骨知多少雖未成龍已有神千年涎沫生風雲  
遊還龍伯扶桑國嘗遍周秦漢魏人一朝運盡魚無那  
輦來朽骨空驚太兒童知爾死無靈高歌齊上魚頭坐  
天吳 山海經朝陽之谷有神曰天吳是爲水伯其爲獸也人面八首八足八尾皆青黃

哭溧陽相公

三台星坼上公嗟 中旨遙聞卹典加 少着宮袍才出

學老依黃閣當歸家 殊恩鄉里會開府 佳話瓊林再

看花六十六年享天祿 人間何處說榮華 公溧陽人 總督兩江

三台星坼 晉書張華為司空中台星坼少子韞勸 華遜位華云天道元遠當靜以待之俄

為趙王 倫所誅

相業原如海樣寬 聖明時際見才難 六卿印綬身全

佩七省旌旗露未乾 潞國晚年同輩少 千秋上殿小車

安 奉 旨肩輿 人紫禁城 朝廷此日亡元老 華夏無人拱手看

千秋句 漢書田千秋年老上優之朝見得 乘小車入宮殿中故號日車丞相

追隨函丈愛風標 領袖神仙冠百僚 絳帳橫經傳六藝

秋燈感舊說三朝 清談瀏亮能霏玉 品服詳華最稱貂

公裴衣 六十箱 回首後堂如隔世 哀絲豪竹雨瀟瀟

一見相如賦上林 推袁到處比南金 許為國士言猶在

不薦彤廷感更深 花落尚存含露態 山頽永斷出雲心

史官儘寫哀榮事 那識羊曇淚滿襟 詔舉陽馬公 欲薦枚不果

南金 晉書薛兼傳兼清素有器宇少與紀瞻閔鴻 顧榮賀循齊名號為五儔初入洛司空張華

見而奇之曰皆南金也溫庭筠 詩他時詠懷作猶得此南金

春歸

春歸花剩晚烟痕 半百頭顱易斷魂 兒未曾生女又嫁

一雙乳燕哺晨昏

蔗

無情惟草木 惹恨是江南 甘蔗知春去 心紅味不甘



無情歐陽修秋聲賦嗟夫草木無情有時飄零

聞香亭殿試落後將為邑宰

報捷南宮耳乍聽再聞臚唱倍心驚未工楷法難高第  
早得花封稱宦情似子真堪論政事傳家豈止重科名

江東棠棣碑還在較勝追隨玉案清

棠棣碑唐書循吏傳賈敦頤為洛州司馬弟敦實為長史洛人為立碑號棠棣碑

三十三時吾致仕君年如我始排衙要為廉吏先留俸

好坐公堂當治家縣譜昔曾抄夜雨余纂州縣心書詩一卷香亭錄去

懷此後屬桑麻雙鳧倘得南飛近定擬來看滿境花

香亭信至以不追步花磚為恨寄詩相慰

蓬山空一過何必學前人家累難修史心柔好牧民杏

殤悲小女蠶至聚窮親老我無他望金多早買春

杏殤孟郊杏殤詩序杏殤花乳也霜翦而落因悲昔嬰元好問改葬阿辛詩孟郊老作枯柴立

可待吟詩 哭杏殤

聞香亭宰正陽再以詩寄

我昔知溧水阿翁客桂林得信買舟歸慰我迎養心慮

我年尚少居官力不任入境帶草冠貌作路過叟召集

翁若嫗問某官賢否曰是翰林耶年才廿八九折獄最

聰強居心頗慈厚一村復一村好字不離口翁聞不易

服騎驢直上堂舉家不及知錯愕爭扶將我既失遠迎

長跽心驚惶誰知翁喜甚即序此因由道汝能循良較

勝羅珍羞是夕便加餐齋然笑不休我生愧孝行謙謙

常自嗟只有者番事差足慰些些汝今復作令努力為  
民爹須防微服來阿兄如阿爺

音權淮南子道應些些舊唐書楊嗣復傳鄭覃  
訓若士齋然而笑些些日臣性愚拙言無顧慮  
近日事亦漸好未免些些不公亦無  
甚處白居易詩些些口業尚誇詩

題虎邱仰蘇樓八首兼贈祖印上人

全得虎邱勝無如祖印房紅欄半空出深樹一樓藏上

接諸天界旁橫選佛場飛花兼落葉終日滿禪床

傳燈錄丹霞天然禪師初習儒術將應聲  
選佛場道遇一禪客曰選官何如選佛日選佛當  
往何所曰江西馬大師  
出世此選佛場也

五十三叅處軒窗四面開嬉春看人過消夏等風來良

夜月千里遙天海一杯九龍山色好相對日崔巍

五十三叅

見卷二十除夕讀蔣  
茗生第一首詩注

消夏

廣輿記蘇州  
府有銷夏灣

吳王避暑處也

葛令移家具劉綱挈小妻穿林得幽逕掃榻作雙棲展

鏡千山活催粧萬鳥啼維摩偏示病雲外聽天雞

時病瘧

維摩示病

蘇軾詩維摩  
示病元無病

小憇千人石閒行七里塘吳歌分櫓響春酒雜花香橋

僻船偏聚風回笛更長生憎官吏俗驅盡踏搖娘

戲元和馬

令

千人石

廣輿記虎邱  
上有千人石

劍去溪還在憑欄偶聽泉峽中雲戀石澗底樹爭天草

沒金鳧影風消紫玉烟何當騎白虎一訪太陰仙



劍去吳地記秦始皇東巡至虎邱求闔閭寶劍有虎當墳而踞始皇以劍擊之不及悞中於石

其虎西走二十五里至虎膠而失金鳧吳越春秋闔閭葬於

劍無獲其石裂陷成池故名劍池金鳧闔閭葬於

虎邱傾水銀為池廣六十步黃金珠玉為鳧雁

扁諸之劍魚腸三千在焉葬之已三日金精上浮

為白虎蹲其紫玉烟紫玉傳吳王夫差小女名紫

上故曰虎邱玉悅童子韓重求婚不得而死

後見形于王夫人間紫玉傳吳王夫差小女名紫

而出抱之玉如烟然紫玉傳吳王夫差小女名紫

言尋玉蘭樹別過老僧寮葉竟碧千畝花曾香六朝真

娘應手折魯望早魂消祇為非開日無人訪寂寥

魯望陸龜蒙字魯望

茶肆伊誰女盈盈出浣紗當壚疑卓氏問姓識宣華表

素慵施粉安貧不戴花關心好顏色多在餅師家

宣華隋書有宣華餅師者妻甚美王取之經年問

日願憶餅師否使見之其妻注視雙頰淚垂王命

坐客賦詩王維詩先成云莫以今時寵難忘舊日

恩看花滿眼淚不共楚

王言王乃遣之歸餅師

禪師古支遁蕭爽是吾徒印可還稱祖題樓獨仰蘇肯

將山借客時對佛提壺書壁留鴻爪他年憶我無

支遁晉時名僧字道林印可梁簡文答湘東王書皇情印

從佛印可稍覺魔忙奔維摩經不于三界現身意

是為宴坐不起滅定而見諸威儀是為宴坐能如

是宴坐佛

所印可

病起贈薛一瓢

隱者陶宏景神仙葛稚川賦詩常作讖論道必鈞元襟

抱烟霞外湖山杖履前人間小遊戲八十有三年

醫術非君好雲池水恰清九州傳姓氏百鬼避聲名江



廉病為厲所纏呼日散藥如頽賑籌方當用兵衰年難  
薛君至矣即逃去掩戶也為活蒼生

一聞良友病身帶白雲飛玉杖偏衝暑金丹為解圍清  
談都是藥仙雨欲沾衣即此論風義如公古所稀

往日耆英會曾開掃葉莊於今吳下士賸有魯靈光舊  
鶴還窺客新秋又隕霜與公吹笛坐愁話小滄桑

耆英會

聞見錄文潞公以太尉留守西都時富韓公以司徒致仕潞公慕唐白樂天九老會乃集洛中卿大夫年德高者為耆英會就資勝院建大厦日耆英堂命閩人鄭真繪像堂中共十二人

詩一首贈滋圃中丞一介其壽一慰其疾

中丞憂國不知年嶽降心忘四月天父老競持千日酒

旌旗方掉五湖烟任兼吳越肩原重公兼管浙中海塘身歷風

霜節愈堅百姓壽長公願足謝他騎鹿眾神仙

千日酒

博物志劉元石於中山酒家酤酒酒家與千日酒忘言其節度歸至家大醉而家人不知以為死也權葬之酒家計千日滿乃憶元石往視之云亡三年已葬於是開棺醉始醒俗云元石飲酒一醉千日又搜神記狄希中山人也能造千日酒飲之亦千日醉又志怪云齊人田無已釀千日酒過飲一騎鹿神仙傳衛叔卿事又王斗醉卧千日建詩騎鹿先生降大羅

簿領勞多體欠安故人額手勸加餐身須長健 恩才

報事要親裁日正寬勿藥早知陰德大班荆難忘少時

歡封疆近覺如公少珍重軍中有一韓

簿領

隋書獨孤楷傳煬帝即位轉并州總管遇疾喪明上表乞骸骨帝日公先朝舊臣歷職二代高風素望卧以鎮之無勞躬親一韓宋史韓琦簿領也劉公幹詩沈迷簿領書



人號令嚴明諸羌來者感恩畏威不敢輒犯邊境  
邊人爲之日軍中有一韓西賊聞之心膽寒軍中  
有一范西賊  
聞之驚破膽

### 題前朝董姬小像

姬嘉靖時人自描小照贈黃姬水先生諸名士

### 題詠甚多近爲薛壽魚所藏

一幅崔徽二百年傾城名士總成烟天涯有客橫塘過

### 花影隨緣落眼前

崔徽

蘇軾章質夫寄惠崔徽真詩宋援注崔徽河中倡裴敬中以興元幕使河中與徽相從者

累月敬中使還徽不能從情懷怨抑後數月東川幕白知退將自河中歸徽乃託人寫真因捧書謂知退曰爲妾謂敬中崔徽一旦不及卷中人徽且爲卿死矣元稹爲作崔徽歌

想見鸞離鳳別難春山愁損目波瀾將身畫與檀奴去

較勝嫦娥月裏看

檀奴潘岳小字

風吹鬢影動輕綃小劫華嚴事兩朝輸與河東薛常侍

熏香供得董嬌嬈

薛常侍

隋書薛道衡傳道衡河東汾陰人也累遷太尉府主簿兼散騎常侍

董嬌嬈

嬌當作饒見卷十三鳳簫詩注

古時春色遠難探近日新花露正酣我有相思不能畫

化爲紅豆滿江南

調雲華君

### 商山子歌

商山年十二嚮身爲傭保伐木同伯夷沽酒學便了三  
人蔣侯家華富驚里媪主人上學時羣奴頭屢掉不願  
侍筆硯只願買綾繚商山獨曰否願隨主搜討識字辨

甄益學書別行草未幾十餘年奴比主人好我曾題復園十年失草稿商山默識之字字得頭腦又過燕子磯古碑卧墻倒篆籀頗模糊商山悉能考我聞古大儒皇象為奴早又有鮑與殷楊家供洒掃俱享一代名庸中稱矯矯惟其讀書深對人客氣少低首靜悄悄安貧心悄悄主人欽其賢戚里奉為寶我學孟佗拜不敢王褒

勳因之發長喟語世人宜曉肯學勿嫌賤但學勿嫌老請看商山子能學為人表  
伯夷 杜甫課伐木詩序課隸人伯夷辛秀便了見  
第十秋夜雜詩 甄益 宋史林摠傳集英殿賜進士第  
第七首註 甄益 摠當臚傳有姓甄而呼為堅名  
益而呼為快者徽宗指曰卿誤矣摠不謝 皇象 吳志  
言者論其不學無術倨傲不恭失大臣禮



趙達傳皇象字休明工書與庸中句 後漢書劉盆子傳帝謂徐  
趙達等八人世稱為八絕 孟佗拜 三輔決錄曰平  
宣日卿所謂鐵中錚錚庸 中佗狡者也案庸與備通  
財賂張讓監奴奴慙問佗所欲佗曰欲得卿曹拜 時賓客求見讓者車常數百乘累日不得通佗後  
至諸奴拜迎徑將佗車獨入眾謂佗與讓善爭以 珍物賂佗佗得以賂讓案此乃奴拜佗也疑誤用  
王褒 漢王褒有責髯奴 辭及僮約一篇

贈歸愚尚書

九十詩人衛武公角巾重接藕花風手扶文運三朝內  
名在東南二老中 上賜詩二老 江浙之大老 健比張蒼偏淡泊廉  
如高允更清聰當時全咏霓裳客得附青雲也自雄

張蒼 見漢書 高允 見北魏書

香山社裏頌耆英瀟灑何曾似六卿雨後尋詩雙蠟屐



花時扶路一門生，笙歌徹夜能堅坐。鳩杖隨身但應名，蒙過病中談娓娓。早衰蒲柳若為情。

唐氏席上贈沈勵齋前輩

當筵重見魯靈光，三十年來春夢長。前輩典型還照舊，少時知己最難忘。一堂絲管燈如錦，滿坐詞臣髻有霜。我是婢師揩老眼，就中只認沈東陽。

婢師二句

南史沈約傳嘗侍宴有妓婢師是齊文惠宮人帝問識坐中客否曰惟識沈家

令案沈嘗出

為東陽太守

謝望山公賜素心蘭

幽人深山居，如蘭空谷住。偶升君子堂，絲竹非所慕。各申同心言，霜燈明遠樹。斜睇西階西，秋蘭尚凝露。中有

純自者，價值中人賦。忽然貪心萌，再拜自陳訴。枚也如小草，公門久收貯。愧非桃李花，春風開遲暮。彷彿空谷姿，寒香表幽素。可否乞一叢，同渠沾時雨。公曰：賜汝可持歸，好調護。素心人已來，素心花可去。

中人賦

白居易買花詩一叢  
深花色十戶中人賦

贈蘭有明訓，弟子請志之。道藏勿掩日，道茂勿分枝。譬如金屋妹，太嬌病難治。又如富家兒，分居族必衰。大哉明公言，瑣事亦言師。隨園無墻垣，日影常參差。田家老瓦盆，蓄養任華滋。庶幾傳衣鉢，臭味無差池。更憐相賞處，恰在未開時。此意古所難，兼語幽蘭知。

哭壻

老人亡婿當亡兒 簌簌臨風淚暗垂 擬把衰年托嬌客 誰知白髮送瓊枝 數雖前定恩難捨 病竟無名死尙疑 聽喚阿爺曾幾日 一場春夢不勝悲

雙飛才看小鴛鴦 轉眼孤鴻影一行 蕭史竟無同去事 令君空有舊時香 畫眉筆冷蛛絲繞 射雉弓凋鏡檻涼

怕見多情天上月 夜深猶自照東床

令君香

襄陽記荀令君至人家坐幙三日香氣不散

射雉

左傳賈大夫惡取妻而美

三年不言不笑御以如皋射雉獲之其妻始笑而言

埋玉新房舊館甥 女兒擎藥等雞鳴 情癡屢下庸醫拜

力竭空餘禱佛聲 婉轉檀奴難訣別 彌留叔寶尙神清

禁他十七紅顏婦 斷雨零風了一生

叔寶

晉衛玠字檀奴小字

蒿里簫聲出鳳樓 輕塵短夢太悠悠 華堂莫雁曾如昨

江館啼烏樹已秋 地下難攜孀婦小 人間交與阿翁愁

愛河水竭情波濶 一夕黃門更白頭

愛河

梁武帝歸佛文登長樂之高山出愛河之深際

女扶婿柩還 吳作詩送之

柏舟此去雪盈途 一曲離鸞萬木枯 後會自然來世有

佳期怎奈半年無 好如郎在安眠食 莫帶啼痕對舅姑

娣姒成行偏汝獨 未知何處續遺孤

枕劍圖爲李開周作

落魄江湖兩鬢秋 男兒未報是恩仇 夢中怕忘英雄事



權取青龍當枕頭

飲罷荆軻酒一觴夜深金電繞空床橫陳與子甘同夢

只有當時聶隱娘

聶隱娘 劍俠傳聶隱娘者魏博大將聶鋒之女也 有尼教之劍術後開腦後藏匕首而無所傷

蘇州寄懷梅岑

三吳一別兩心違愁見皋亭木葉飛海上成連琴欲斷

耳邊曾點瑟方希詩須我定應留稿節近秋涼可授衣

昨夜鯉魚書早到束脩不寄寄當歸

皋亭句

當作亭皋柳惲詩亭皋木葉下隴首秋雲飛 當歸 孫盛雜語姜維詣諸葛亮與母相失復得母書令求當歸維曰良田百頃不在一畝但有遠志不在當歸也陸游詩故人書札

寄當歸

十三經試張童子五百年生員半千後起有人甘我老

斯文誰託仗君賢桂花得月香成雪鴻雁當秋字滿天

努力挈雲心事健紫金鰲背躡飛烟

員半千

員音運唐書員半千傳半千始名餘慶王義方常曰五百歲一賢者生子宜當之因改名 李賀詩少年 張童子 韓愈有贈 半千 挈雲 心事當挈雲 張童子序

十月十一日雷雨

蛟龍忍寒九淵起電火燒霜照窗紫飛電如麻萬瓦鳴

浮天十月江南水老夫夜坐獨自嘆世事難測如波瀾

君不見川原蕭瑟隆冬日天意還當盛夏看

九淵

賈誼弔屈原文襲九淵之神龍兮物深潛以自珍列子蜺旌之潘為淵止水之潘為淵流

水之潘為淵濫水之潘為淵沃水之潘為淵沈水  
之潘為淵雍水之潘為淵汧水之潘為淵肥水之  
潘為淵是為九  
淵案潘音盤

小倉山房詩註目錄

卷十八

小僕琴書事我有年今年贖券去跪辭淚下作詩送  
之 代琴書答

題沈秀君抱書圖二首 寄魚門舍人一百韻

苦囑 題永竹巖雙美讀書圖

哭紫耕南 二月初八日生一女二首

刀 筆

寓目卽書 海棠下作

贈楊將軍 偶成

喜懷慶太守沈省堂過訪三首